

دخول الحمام

مش زى خروجه

رواية كوميدية ذات فصل واحد

تأليف

ابراهيم رزقي

مؤلف : الحاكم بامر الله ، وبنت الاختيد ، والبدوية ، وأبطال
المنصورة ، والهوارى ، والدره اليتيمة ، والوزير شاور ، وعقبال
الحبايب ، وابوخونده ، وصرخة الطفل ، وبنت اليوم ، وساميديل
(سيتاريو) والفجر الصادق ، واسماعيل الفانح . وغيرها من المسرحيات

« و مترجم : قيصر و كليون بآرم ، وتيمور لنك ، ورشيليو
وسجين الباسنيل ، ويزارو ، والقائد المصرى ، وشمسون ودليله
وعزة بنت الخليفة ، والامير سليم ، وسياحة حمروش بك ، وورقة
اليا نصيب ، وأسير كرومويل ، والتاج ، والملك لير ، وترويض
التمرة ، وعدو الشعب . وغيرها »

الطبعة الثانية ١٣٥٧ - ١٩٣٩

مطبعة شبرا شارب شيبان ت ٥٨٧٢٤

اهداءات ٢٠٠٢

الشيخ/ عبد العزيز توفيق جاويد
شيخ المترجمين - القاهرة

ماقبل الحمام

ملش روى خروجه

رواية لوميدية ذات فصل واحد

تأليف

ابراهيم كزى

« مؤلف : الحاكم بامر الله ، وبنت الاخشيد ، والبدوية ، وأبطال المنصورة
والهوارى ، والدره القيمة ، والوزير شاور ، وعقبال الحباب ، وابوخونده ،
صرخة الطفل ، وبنت اليوم ، وساميديل (سيناريو) والفجر الصادق ، واسماعيل
الفاتح . وغيرها من المسرحيات »

« و مترجم : قيصر ، وكايوب آترة ، ونيمور لك ، ورشيليو
وسجين الباستيل ، وبيزارو ، والقائد المصرى ، وشمسون ودليله
وعزة بنت الخليفة ، والامير سليم ، وسياحة جروش بك ، وورقة
اليا نصيب ، وأسير كرومبول ، والتاج ؛ الملك لير ، وترويض
الخمرة ، وعدو الشعب . وغيرها »

القاهرة

الطبعة الثانية ١٣٥٧ - ١٩٣٩

(٤)

أشخاص الرواية

عمدة	أبو عويس
فلاح زفيق للعمدة	عويل
صاحب حمام في بولاق	أبو حسن
صبي حمام في بولاق	فشاشقى
امراة الحمامى	قزىلب

الزمن ساعة ورربع

عهد الرواية سنة ١٢٨٢ هجرية أيام الخديو إسماعيل

الملابس

ملابس أولاد البلد القاهرية في ذلك العهد جبة وقفطان
حزام وعمة ومركوب للعمدة وجلاية صوف كالزعبوط ولبدة
مويلى وطرحة وشيشب وجلاية وحزام لزىنب

منها أول مرة في أكتوبر سنة ١٩١٦ جوق الأستاذ عزيز
بيد قتيارو الابيه فى روز بمصر .

المنظر

رحبة حمام بلدى فى بولاق .

يزاح الستار عن رحبة حمام بلدى فى بولاق . والوقت فى الصباح قبل شروق الشمس فالمكان معتم ولكنهم يبددون عتمته بثلاثة قناديل ضعيفة النور إثنان منها مدليان من عقد باين فيه وثالث بجوار المعلم صاحب الحمام وفى أعلى الحمام دوين السقف حبال مشدودة من طرفى المكان الأيمن الى طرفه المقابل نشرت عليها فوط وبشاكير مخططة بمختلف الألوان

والرحبة مستطيلة باستطالة المرنجح ولكن لا يرى من زوايا هذا المستطيل الا زاويتان يمينى ويسرى على جانبي الواجهة واليمين فتحة هى منتهى سرداب طويل وارد من الخارج ذات عقد مقوس يتدل منه أحد قناديل الزيت الضعيفة النور واليسرى فتحة باب له عقد كذلك ويتدل منه القنديل الثانى وهذه الفتحة هى مبتدأ سرداب آخر يضرب إلى الخلاوى والمغاطس .

أما ما يقابل المشاهد من هذا المستطيل فجدار مبنى وفيه باب صغير هو باب بيت صاحب الحمام وشباك من الشيشن يرفع ويخفض

وتحت هذه النافذة من الخارج أى فى الواجهة دكة من الخشب مفروشة بقطعة من البساط المعروف وعلى جانبها مسندان صغيران من القطن ويرى بعد هذه الدكة على الأرض شئ مغطى ببطانية من رأسه إلى قدمه هو أحد أشخاص هذه الرواية المدعو « النشاشقى » صبي الحامى ليس عنده فى ذلك الوقت عمل فجلس وتغطى فنام.

وأما جانبنا المستطيل فاليمين (بالنسبة للمشاهد) مصطبة جلس على بعضها المعلم أبو الحسن صاحب الحمام وفى يده الجوزة يدخن وهو يفكر وأمامه صندوق بطول نصف ذراع هو صندوق الأمانات وهو قدمه مسود ولا سيما فى ظلمة المكان ويصعد للمصطبة بدرجتين من الحجر . وأما الجانب الآخر أى الأيسر فشغول بمقاصير للزبائن على مصطبة غير عالية بعضها بابه مغطى بأستار والبعض أزيحت عنه فرويت من ورأه طراحت (شلت) وه ساند وأما أرضية الحمام فمن البلاط الحجري اللامع . وترى فيها عند مصعد المقاصير أزواج من القباقيب . وإذا تأمل الناظر على يمين أبو الحسن الحامى وجد غابة صفراء طويلة هى التى ينشر بها القوط على الحبال أو يعزلها عنه .

يزاح الستار عن : —

الحمامي (قاعدا وراء الصندوق والجوزة في يده وهو يدخن) يسر
 يا مفرج الفرج يا عالي الدرج! ياللي فتحت البيضة للكتكون
 خرج . يا اخوانا الناس جرى لهم إيه . لا حد يحى
 يستحمى ولا واحد يتوضا . هم الناس خافين على عرقهم
 والا إيه . . آى والله بأيدهم حق . كل شىء غلى بقى زى
 النار حتى الزبالة أهى غليت علينا . ما عليهمش . ربنا يفكها
 (يتنهد) عاود تعود الأيام . كريم . (يسكت) وادياناشى
 (ينتظر) نشاشى

نشاشى (كأنه قايم من النوم) إيه يا عم أبو حسن
 الحمامي ماتقز يا واد تشوف لك شوفه . أنت نايم لى جنب الخلوة
 زى قط البيت لا منك فائدة ولا عايدة

نشاشى وانا بس أعمل إيه يا عم أبو حسن؟ أنا حجز الناس م السكة أقول
 تعالوا استحموا ، والا أقوم منادى فى البلد !
 الحمامي وبس إيه الفائدة من فتح الحمام من نص الليل ولا فيش حد
 الحمامي ثم نشاشى ثم زينب

يفتح علينا الباب

نشاشقى تعالى انت راخر نام زى . الايام الوحل يحلى فيها النوم
 الحمامى اشمعنا احنا اللى بختنا حجر ما يخرش المية . (يتحرك) قوم
 ياواد لم القوط . بس فرحانين بزراقها وحمارها ! والله لاخر به
 (ينزل من ورا الصندوق) وأخليه ينعى من بناه . (يمسك
 الغابه ويأخذ فى تنزيل القوط المعلقة على الجبال
 وهو فى حالة غضب) لم ياواد . قوم . فز . هو احنا
 محناش ناس .

نشاشقى (يقوم من جنب الكسبة ويمجرى نحوه يمسك الغابه من
 يده) حيلك شوية يا عم أبو حسن . طول بالك . رايح
 تعمل فيهم ايه

الحمامى رايح أبيهم . وأشوف لى شغله زى مخاليق ربنا
 نشاشقى مش كده يا عم أبو حسن . استنى شوية يمكن ربنا يفرجها .
 النهارده شتا والناس ما بتقدرش تخرج من بيوتها فى البرد
 الحمامى قال يفرجها . وايه كان حايشه لدى الوقت . هو ماهوش
 شايف . والا الواحد ما يخذش حاجة الا بالحق وقلة الحيا
 نشاشقى ماتكسفرش على الصبح يافتاح يا عليم

الحمامى بس ياوَاد لحسن أَلْخَبِطْ لَكَ وَشَكَ عَلَى الصَّبْحِ . أَمَامَا تَحْتَشِيشْ
قَلِيلَ الْحَيَا

نَشَاشْتِي دِيهْدَه يَاعَم أَبُو حَسَن . تَلْخَبِطْ لِي وَشِي آيَه . مَش كَفَايَه
الْغَلْبَ اللِّي أَنَا فِيهِ كَانَ فِي حَمَامِكَ . لَا قَرَشَ وَلَا عَشْرِينَ وَلَا لَقْمَةَ

عَيْشَ حَتَّى . قَالَ رَضِينَا بِالْغَلْبِ وَالْغَلْبَ مَش رَاضِي بِنَا
زَيْنَب (تَفْتَحْ شِبَاكَ بَيْتَ الْحَمَامَى لَمَّا تَسْمَعِ الزَّيْطَةَ وَتَنْظُرْ مِنْ وَرَاءِ) .
جَرَى آيَه يَا نَشَاشْتِي

الحمامى خَشِيَ يَامِرَهُ مَالَكَ وَمَالَنَا ؟
نَشَاشْتِي يَاسْتِي بَدَه يَلِمُ الْفُوطُ وَالْبَشَا كِيرَ وَيُرُوحُ يَبِيعُهُمْ وَيُخْرِبُ
عَلَيْنَا عَشْنَا

زَيْنَب وَعَلِشَانِ آيَه دَه كَلَاهُ يَا أَبُو حَسَن ؟

الحمامى مَش شَغْلَكَ يَامِرَهُ

نَشَاشْتِي شَوْفِي بَقَا يَاسْتِي

زَيْنَب طَيِّبْ تَبِيعُهُمْ وَتَا كُلِّ بِحَقِّهِمْ وَبَعْدِينَ ؟

الحمامى وَبَعْدِينَ زِي مَا تَجِبِي تَجِبِي . أَنَا هَشْ حَبِيعُهُمْ وَاشْتَرَى بِهِمْ
فُولَ مَدَهَسْ تَا كَلَاهُ الْقُلُوبَ الْبَوَارِدَ

زَيْنَب أُمَالُ بَدِكَ تَبِيعُهُمْ لِيَه ؟ إِنْ كُنْتَ مَضَايِقَ مِنَ الْحَمَامِ رُوحَ أَنْتِ

(٩)

وخلينا نفتحه ونشوف بختنا . يمكن على وشنا يروق الحال
الحامى شوف المره اللي ماتختشيش . بقا انا اللي معقدها في وشكم
زينب . يو !

نشاشقى لا ياعم ابو حسن . بس قول لنا انت رايح فين
الحامى (آخذا في لم القوط) مش شغلك انت ياواد . امش هات
الحازم والتراجيل ، ولم العده كلها

زينب مش بس تقول انت حتوديهم فين ! ديه ده ! انت محدش
عارف ياخذ منك سؤال ليه !

الحامى (يبطل تنزيل القوط ويلتفت) انتو عاوزين أقول لكم
زينب . يو . أمال بنسألك ليه
نشاشقى أمال احنا قصدنا ايه م الصبح

الحامى رايح اعمل شاهد زور رسمي في المحكمة الشرعية
زينب يادهوتى !

نشاشقى شاهد زور !

الحامى ارتحتم ؟

زينب يا قضاة ! الحنا وش كده

الحامى ليه ؟ هو عيب ؟ ما عيب إلا العيب . أنا حسرق ولا حازنى

ولا حاقتل !

زينب هو بس الغيب التلاته دول؟
الحامى اشمنى الواد أبو عشرين بقاله بيت ملك وعربخانه ،

وأشيتته معدن بعدما كان مش لاقى اللضا
زينب مايب دأ أمه باعته للغجريه بعشرين خرده لاجل مايعيش لها
وينفتح له باب الرزق ، وانت كان امك كانت باعتك لين .
(تضحك)

الحامى باعتنى للغلب والشقا . فضك يامرہ . (يلتفت الى الصبي)
لم ياواد

زينب طيب والقوط حتعمل لك ايه بس
الحامى حبيعم واشترى شال كشمير اتلفع به واجيب طربوش
مغربى منجله أصلى بشال استامبولى . وعندك الجبه
والقفطان اللى لطشهم الواد على م العمده اللى جه يستحمى
ليلة العيد . دول يخلونى واحد زى اهل الخير الصالحين
ياالله ناوليهملى

زينب ولكن ياراجل ازاى تحلف اليمين قصاد القاضى بالكذب ،
انت متخفش لينقلب على عينك يا بعيد

الحامى . مش من شئونك يا وليه . أنا ما أخوك احمد شهدنى
عشرين شهاده زور فى المحكمة .. وكانت الأشياء رضا .
هو جديد على ؟

زينب ولما تبقى اعمرى وتحسس (تضعك) أبقي اجررك والا آية ؟
اللى مانت شايف وانت مفتوح (تضعك)

الحامى أنا يامرہ حاحلف فى سرى يمين طلاق انى ما احلفش قصاص
القاضى يمين سدى أبدأ

زينب ديهده . ودا ايه يعنى !

الحامى يعنى ان اليمين ما ينقلبش على عنيه زى ما بتقولى . وابتقى آجنى
على رجلى للبيت مفتوح وفى أمان الله . وفى جيبى عشرين حته
بخمسه من نظار الوقف اللى واكلىن حقوق العالم . ومن
الاوصيا ؛ ومن ولاد الرضى اللى يبقى المال عندهم بالسكوم ،
ولما نسوانهم تطالبهم بالنفقة يدعوا انهم مش لاقين اللضا
وينخشوا المحكمة خافين ولا بسين جلايب مقطعه

زينب طيب ومش حرام عليك تمجى ع الغلابه

الحامى ما الغلابه بتقول لهم ربنا . يروحوا له ! وانا ايش حكون .
نشاشقى (وكان واقفا يستمع المحاوره لما يسمع هذا الكلام يدير وجهه

ويذهب بنحو المقصورة احتجاجا ويأخذ في تطبيق
 الفوط) يا سلام م الكفرا ياربى ماتأخذوش (يصمت) ولكن
 يارب ماهو انت الى عملتها ... استغفر الله العظيم
 زينب . طيب والقاضى لما يشوفك داخل عنده وخارج ما يعرف انك
 شاهد زور وتبقى شهادتك زى قلتها . وتبقى بس خسرت
 دينك ودنياك

نقاشقى (من عند المقصورة) قولى له ياستى - بس ماينو بنا الالبيع العدة
 الحمى بقا انت الى عملالى متدينه يازينب ؟ والا نسيت الى جرى
 زينب يو . بقى ياراجل تعمل عملتك وتحطها فى ؟ مش انت الى
 قلتلى اضحك على الراجل وأ كععه دم قلبه . انا بس خايفه ان
 القاضى يعرفك تروح عليك وعلينا

الحمى ده مش شغل القاضى . القاضى عنده كل واحد سادق . كده
 الشرع بيقول . وهو بيحكم بلشرع مش بكيفه . بس . هاتى
 الجبه والقفطان والا اطلع انا بالبسههم ؟ أحسن (يخرج الحمى
 ويدخل بيته وزينب تختفى كأنها ذاهبة لمقابلته)

نقاشقى وانا لاخر ما ألم التراجيل وابيعهم واخلص م العيشه دى .
 كان زمان الواحد يا كل ويشرب من أكل الزباين وياخذنى

آخر الحومه بقشيش يفرح القلب. و آخر النهار ثلاثه ابيض
 من المعلم لاجل التعميره والاشيا معدن. وآخرتها؟
 يادى الزمان اللى يقرف يادى البلاوى اللى تكسر
 صبحت من الهم بغرف وآكل واشرب واشخر

ماحد يفتح علينا باب الفرج زى قبله
 هو احنا كنا ابتلينا حتى ضبحنا أدله

يارب بابك كريم يابو سما زرقا
 بحق سيدنا الكليم تبعت لنا رزقا

داحنا غلابه وانت عليم وشايف اللى كان
 امتى تمنن امتى علينا قلب الزمان

يارب شفنا اللى ضلوا سبيل رضاك اهتدوا
 وادى عبيدك ضلوا على السراط ما اعتدوا

اكفين بقي زهم عشان اشوف لى يوم
والا انت مش ربههم؟ قول لى ! ماتخش اللوم

العيش صبح بالدرهم من بعد ما كان وقى
والجيب خلى م الدرهم والامشه صارت زلق

والاحمه يارب غابت عنى سنين وايام
والبطن م الجوع دابت وطال على الصيام

أمرق؟ وفين اللى عنده شىء يسرق يا كريم
والكل ما عاد فى يده ولا اللضا يا حلیم
استغفر الله العظيم يارب ماتأخذنيش . أنا راجل مسكين
وامى وليه عجوزه (يخرج داخل الخلاوى ويعود الحامى
لابسا الجبه والقمطان وهو ينظر لنفسه من الجانبين وهو
ممسك بهما وزينب وراءه)

زينب : والله بقيت طال يا بوحسن ، خليت العين ما تحت لك
الحامى وبكره تموح اكتر يا مره لما ألبس العمه والشال الكشمير

الى ما كانش حيحك قفاى إلا يوم الجنازة ، بكره تبحى
 الفلوس : ونشترى الحمام ده ونأجره . وتبقى الأشياء معدن .
 البلد دى اللى يندمها بالسدى يموت مالجوع . واللى يمشى
 على سلوها تزهره له الدنيا . الله يلعن دى أيام

زينب والله سدقت يا أبو حسن . الجماعة الدجالين وبتوع الرمل
 والودع والطوالع والمشايخ هم اللى رايحين فيها . والله أنا
 رخرى لشوف لى حكاية قبل ما يغلى علينا الهواء . أهو
 المغفلين فى الدنيا بالزوفه

الحامى توك ماعقلت -

زينب والله !

الحامى بس اوعى يا مره حد يضحك عليك

زينب بقى أنا بدى اضحك عالناس والا اضحك الناس على

الحامى مش معنى الكلام . بس خدى بالك حرمى من ولاد الحرام

زينب أنا مش حتخطى رجلى عتبة الحمام إلا يوم الفرج . اطمئن .

لحنا عرفنا بعضنا ايمبارح يا أبو حسن . إخص عليك ؟

الحامى لا . بس يمكن تزخلقى يا اختى ومين يقدر يملك .

زينب اتلم أنت يا راجل ، واد يانشاشنى

الجمامى عاوزاه ليه

زينب عاوزاه احرسه على الحمام . أنا بدى اخش بقى .

الجمامى خشى انتى . أنا حادخل له أوصيه والا (يذهب صوب
الصندوق ويقله ويأخذ المفتاح) واديا نشاشئى . (تخرج
زينب) نشاشئى . (يصفق) فىن راح الواد - نشاشئى

نشاشئى (من وراء) عندك ياعم أبو حسن

الجمامى تعالى ياواد خد مفتاح الأمانات

نشاشئى (يدخل وإذ يرى الجمامى لابسا الجبة والقفطان يطرب)
دهده ياعم أبو حسن ! دانت بقيت زى القضاى بتاعنا .
مين يعرف ! يمكن والله تتعدل لك وتبقى تترقى من شاهد
زور لمحامى شرعى

الجمامى هى بعیده ! أنا أبويه ما كان من بتوع الازهر ويصلى فى

جامع الغورى . وهو الخديو فاضى يعرف اخوانا دول بيعملوا

إيه . أهم دايرين يحكموا بالبعث . بس . أدى مفتاح

الصندوق . يمكن حد يحبى . أنا رايح . خد بالك مالحام

وخلى بالك من المعلمة . أوعى تسبب المحل والأتروح

هنا والاهنا لحسن بعدين أشهد فيك شهادة زور تودريك

في داهية .

نشاشقى حدالله بينى وبينك ياشيخ !

الحمامى بس . السلام عليكم (يهم بالخروج)

نشاشقى عليكم السلام والرحمة

زينب (تفتح الشباك وتطل) مع السلامة يا بوحسن . انت جاى إمتة؟

الحمامى (يلتفت) أنا رايح أبيع دول ، واشترى الغدة والمركوب

والشال الكشمير . وأفوت على المحكمة أجيب أخوك أحمد

وياى . أهو من الحجاب القدام وعارف الشغل ده من

زمان وبعدين نروح على باب الله

زينب طيب روح ربنا يسهل لك (يخرج الحمامى)

نشاشقى بقا انت كان ياستى تطاوعيه على عقله إحنا قلنا تاب عن

الشغل ده وربنا رضى عنه وهداه تقومى توافقيه

زينب يوه ونا كل لمنين يانشاشقى ! إذا كان الحمام ماعدش بيحب

حق ميتة ، ولا بياش قرشين نشترى بهم شوية فول للقدا

داشء يطهق . والله أنا خرى لشوف لى شوفه . بس ربنا

يبعت . دنا من يوم دخلتى على أبو حسن ما بياش جلبية

تخزى العين . اشمعنا انا . دانا حضيع شبابى أبصر إيه فى حمام

والراجل كان لما يكون مغموم ما يبقاش منه فايده .
 خش . خش . نصف أودة المغطس والخلوة لحسن خديجي
 روح يمكن ربنا يجعل على وشي القبول النهار ده
 نشاشقى ربك كريم . والله ياستى انت وشك زى ليلة القدر . إياك
 على شان دى الشوفه يكرمنا ربنا فى دى النهار (يدخل
 بيت الخلاوى)

زينب (قاعدة على الكنبه وراء الشباك) حس ناس جاين
 (تنصت) يوه ! الجعان يحلم بالعيش . هو حد يجي دى الوقت
 ما عليهش » تهمهم ثم تحبب بأنا ملها على حافة الشباك قليلا ثم
 تنطلق تغنى بصوت هادىء ثم تعتدل ثم تحسن »
 سبع سنين وست اشهر وست أيام

واللى بحبه ياناس فى حضن غيري نام
 مافى البلد مسلمين مافى البلد حكام
 الله يجازى العزول اللى رمى الفتنة
 حتى السلام إنقطع يا أمة الاسلام

نشاشقى (يعود على الصوت) الله يخليك ياستى . والله أنت شوفتك
 رضا . وكلامك رضا . وتخلي ضلام عيشنا نور . غنى ياستى .

أقل منها . الله الله ! إن كان وجيئة عنيك

(هنا يسمع ذيب أقدام . فتنصت زئب ونشاشقي ويسمع
أبو عويس بك يقول : الله ! الله ! ويسكلم رفيقه الخادم
عويلي بما في الجملة الآتية ويدخلان في حالة إسراع وتهيصر في
منتصف الجملة فتقف زئب الشباك وتجاس وراءه تسمع
الله ! الله ! كما ياستي ألمز . قوام يا واد يا عويلي . ستك ألمز
هنا النهارده - ربنا يخليك ياست . والله أنا نفسى من زمان
اسمك (يدخل) احنا جالنا صيتك في البلد . قالوا سى عبده
اجوزك على شان ما يخلصكيش تبطل على عليه ! الله . الله ! (يكون
في يد كل منهما عصا . فغصا البك خيزرانه تخينه لها قبضة
مستديرة صغيرة من المعدن وعصا عويلي نقز سنط والعمدة
لابس جبة وقفطان شاهى بحزام حرير ومركوب جديد
وفي أصبعه خاتم . وعويلي لابس جلابة بلدى ولبدته عليها
لفه شاش صغيره)

سى خوش عندك يا جدع : ألمز ايه !
بس فين أمبال الست ألمز يا جدع ؟
شقى ألمز مين يا سيدى ! ، مرحب

عويس يا جدد الى كانت بتغنى دى الوقت
 نشاشتى ما كانش حد بيغنى . يمكن ياسيدى بيتيها لك
 عويلى يا جدد انا سمعتها انا راخر
 نشاشتى ديهده — يمكن انت راخر بتيها لك . لهو انت احسن
 سيدنا البيه . مرحب ياسعادة البيه . ايدك
 عويس ابعديا واد بلا نصب . انت عينك من الخاتم اياك
 عويلى حوش ايدك يا جدد بلاش اونطه
 عويس دول فاكرين اننا بقا من الريف فال معنى وبينضحك عليه
 عجائب على ولاد مصر يا اخواتى !
 نشاشتى ليه ياسعادة البيه . نصب ايه . ايه جرى . انا كان بد
 ابوس ايدك من فرحتى وربنا يعلم
 عويس ابعديا واد خليك فى حالك
 نشاشتى طيب ياسيدى حقه على (عاوز يبوس راسه)
 عويس رنه يا واد يا عويلى رنه
 عويلى (يضربه بالخيزرانه على القوطة من ورا) ابعديا حرامى
 نشاشتى يادى الداهية السودا ! هو انت يارب ما تبعتش حاجة
 عندك إلا بامارة !

لويس شوف يا عويلي شوف . الواد قال بده يسرق العمة وانا لمة
شاريها م الفحامين ! انت فاكر أتى عمده عبيط من بتونغ
اليوم يعنى والاياه ..

ماشقي طيب ياسيدي حقك على . أدى رجلك أبوسها . معلش
بس خش استحمي . (يهم بتقبيل ركة عويس)

ريس عويلي !
ويلي (يضره على ظهره) سيب المركوب يا ابن المركوب دا احنا
لمه دافعين فيه الريال أبو طيره

ماشقي ياخوانا يا أهل البيت !!

ويس أهل البيت !

ماشقي بس قولوا لى أعمل إيه . ماعليش ياسيدي (يربت على كتفه)
حقك على . بس خش استحمي . ديهده الصباح المزفت ده .
ماعليش . بس يالله خش استحمي . خش ألقع . أدى مقصورة
علشان سعادتك

عويس أخش ألقع ! وليه ما ألقعشى هدومي جوه مطرح ما استحمي .
عجايب ! انتو ما عنسد كوش كرمى يتحط جنب
المغطس ! والا طشت حمام نخط عليه تيابنا . ذا حمام إيه

اللى زى البركة

نشاشقى ياسيدى ولما هذومك تنفاض والاقبل من بواخ المغد
ديهده اكرامى ليه فى الحمام ككلى

عويس تنيل الحشع ماتنسترقى هي وقن القطن كله والا ايه يعويس
نشاشقى ياسيدى احنا ما اجناش حرامية . احنا ناس على
الله . ادى مفتاح الصندوق بتاع الامانات حط فيه ا
انت غاوزه .

عويس عجائب (لعويلي) قال الواد بنده يضحك علينا
نشاشقى ليه ياسعادة البيه؟

عويس ولما يجي اللى يجي ياخذ الصندوق باللى فيه
عويلي بقا ياواد انت بذك تستغفنا؟ داحنا نستغف عشرة زيك
نشاشقى يامعلم الصندوق مبنية عليه المصطبة الله اطيب خلى سيد
ده يقعد على الهدوم لما تطلع سعادتك م الحمام
عويلي اقعد عليهم ا هو انا حطلم منهم كتنا كيت والا ايه ياو
ماتكلم عدل

نشاشقى بلا مؤاخذه ياسيدنا . قصدى بلا قافة تقعد جنانك جنب
لما يطلمع البيه من الحمام

عويلي وأنا مش بدى استحمى انار اخر ! دا أنا اللى جايب سعادة
البية هنا . وبدنا نلحق تقابل الباشا قبل ما يخرج من
الديوان . مش كده والايه

عويس أمال حروح لوحدى

نشاشتى طيب خش انت قبله . وسعادة البية يحرس هدومك

عويس آه يا قليل الحيا . أقعد أنا أحرس هدوم الخولي ! آه يا ناري
لو كنت فى البلد كنت أوريك شغلك يا قبيح ولا كان الدبان
الازرق يعرف لك جره

نشاشتى جاي يا مسامين ياخوانا ! انتم أنس ولا جن !

عويس أوعى يكون بده يطلع علينا عفاريت الحمام . أنا سامعه بيقول

يا أهل البيت ! يا الله بنا يا واد لحسن بعدين ما يجراش لنا طيب .

دول ناس مخاويين الجن والحمامات دول بيتي فيهم دائما ...

نشاشتى (يمسك فى ملابسهم) رايحين فين يا ناس ما تخشوا تستحموا

طيب نجيب لكم كرامى م القهوة . بس خشوا استحموا

ما تسمتوش فينا المعلم

عويس وقعنا يا واد يا عويلي ! وقعنا وراحت علينا ! وأنا جاسس ان

عفاريت الحمام ماشية وأهى بتفتح الأبواب ! سامع (يتسمع)

عويلي أنا سامع حس كده تسكولش المزيرة (تتقدم زينب خارجة
من الباب متلفعة بطرحة)

عويليس باين كده والنبي . أهى جت ! أهى جت ! بسم الله الرحمن
الرحيم (يجرى كل منهما ويحتبيء وراء الكنبه ثم يرى زينب
وشكلها يطل من فوق جانب الكنبه وهو قائم قاعد ويكون
عويلي فى حالة ذعر شديد)

زينب عواف عليكم !

(عويليس يسكت)

عويلي ماترد ياسعادة العمدة لحسن ما يجراش لنا طيب
زينب عواف ياسعادة العمدة

عويليس دى باين عليها جنية مسامة

زينب عواف ياسعادة العمدة . يوه .. دا آيه ياما ده

نمشاشنى ماترد ياراجل

عويلي (بذعر) رد ياسيدنا العمدة

زينب أنت ليه ما بتدش , لاهو أنا باكل الناس والا ايه (تضحك

وصاحبنا يطل وتذهب صوبه وتأخذه من يده) تعال

ما تخفشنى

عويس (يطلع من وراء الكنبه) عواف ياستى ألف طافيه بس
 أنا فى عرضك ماتعملش فى حاجة . أنا راجل أبو عيال .
 ونجاي مصر أقابل الباشا الناظر وأشكر له على البهوية وجيت
 استحمي واتوضا . لحسن امبارح نمت وحصل ما حصل وانت
 عارفه ما يصحش الواحد يقابل الحكام جنب
 زينب (تضحك بلطف) طيب وليه مانتش راضى تخش الحمام علشان
 ماتلحق الباشا

عويس خايف من الواد ده . أنا معاية تجن القطن ويمكن يوزه
 الشيطان والا حاجة

زينب ياسلام ودا يجرى . والا كنت أديله بالشبشب
 عويس دا ياستى كان بده يسرق الخاتم والعمه والمركوب
 زينب مش عيب يا واد يانشاشقى كان واحد عمدة أمير من
 الأكاير يحبى عندك بدك تعمل فيه كده
 نشاشقى والله ياستى أنا كان قصدى أبوس ايديه ورجليه من فرحتى
 واستسمحه ، وأبوس رأسه كان ، واعمل الواجب
 عويس تعمل الواجب ا واجب ايه ا شاييف يا عويل
 عويلي (فى تلك الاثناء متحير جدا أهل هي جنية أم أنسية . ومنتبه

جداً للحديث) فضك ياواد من البكش ده
عويس بقى ياستى ولاد مصر يفتكروا إن كل العمدة هبل ولا
يفهموش النكتة

زينب (بدلع) حقك على ياسعادة البية . امش ياواد يانشاشقى
حضر الحمام . وخليهم يحطم هدومهم وتمن القطن فى
الدركة واديهم مفتاحها . ونضف لهم الخاوة الكبيرة
باعة سيدنا القاضى قبل مايجى (تجلس على الكنبه)
نشاشقى حاضر ياستى . انت والنبي وشك أزهر (يخرج)

عويس بقى ياستى انت منتش من اخوانا
زينب هى هى هى (تضحك) من قال لك كده . دنا بنت
صاحب الحمام

عويس بنت صاحب الحمام ؟ انت اللى كنت بتغنى كده وحسك
زى البلبل

زينب ياسلام ! عجبك حسى !

عويس عجبني قوى قوى ! انت كنت بتقولى موال يوقع الطير
زينب ياسلام يابيه . والنبي انه كلامك خلو وذوق . ربنا
مايحرمناش منك

عويس والنبي كنت بتقول ايه ؟

زينب كنت بقول موال على روحى

عويس وحياة عيونك تغنيه . غنيه وحياة اللى ربنا هناه بمجالك

الله . الله . يا عينى ياسيدى . اللى الواحد ما يسمع فى البلد

الا نعير البقر والجاموس . الله يقطع الزيف واللى فيه

الله . الله ابقى انت يامليحة بنت صاحب الحمام

زينب ايوه ياسيدى

عويس وفين هو امال ؟

زينب راح بيت القاضى

عويس واسم الكريمة ايه ؟

زينب محسوبتك زينب

عويس عاشت الاسامى

عويلي والله حاجة حلوة قوى ياسعادة البيه

عويس (يلتفت اليه بشيء من الكدر) خشان انت ياواد اقلع هدومك

وامتحمى . انا حارس لك الهدوم لما تطلع (يهيب

عليه بعضاه فيخرج عويلي داخل بيت الخلاوى) ياسلام

ياسلام ! وانت ياستى قاعدة هنا بتعملى ايه افين امك ؟

زینب تعیش انت

عویس عشت والله أنا کمان امی ماتت

زینب البقیة فی حیاتک

عویس الله یشی حیاتک . ها . آمال الواد النشاشقی دامین ؟

زینب داضی الحمام . واد أهبل عبیط مایفهمش حاجة

عویس ها . بقی عبیط ! وقاعدة یا اختی مع مین کسده جوه البیت ؟

زینب قاعدة لوحدی یاسعادة الیه . أبویا مایجیش إلا العصر وما

اقدرش أنزل هنا دی الوقت لحسن الحمام فی الساعة دی

لماشان الرجالة . بس أنا شففتک من الشیش قللی اتولع فی

فی حبک وجیت علشان آتملی بک

عویس (بفرح) یاسلام ! بقی حبتینی قوی . لیه ! شایفه وشی

یعنی . . .

زینب زی القمر

عویس (بتهیج) وانت والله أحسن من القمر . انت زی الشمع

الابیض زی کوز العسل . زی القشطة . یاسلام . امال

مجوزه والالسه بنت بنوت

زینب ماتفسکرنیش بحالی وحیاة عینیک یابیہ . لحسن أنا

مسكينة وحالتى تبكى

عويس ازای بقا
 زينب انا ياسيدى اجوزت قبل مايتولى الباشا بخمس سنين فى
 رجب زى الشهر ده . وفضلت مع جوزى ست اشهر إلا
 ست ايام . وبعدين غاب عنى من يوها لى الوقت . بقى
 له النهار ده سبع سنين وست اشهر وست ايام ، ولأعرفش
 راح فين

عويس بقى علشان كده بتغنى سبع سنين وست اشهر وست ايام ؟

زينب أيوه ياسيدى

عويس وقابك متولع فيه قوى

زينب قوى ولما شفتك حسيت انه جه . ونزلات أجرى

عويس ولما شفتينى بقا . . .

زينب والتبى قلبي حبك

عويس (بفرح) على إيه يعنى ؟

زينب (تقدم على المائدة) علشان عيونك عسليه حلوة قورى زيه

عويس (بفرح أشد ويبلغ ريقه ويركع) وإيه كان

زينب وخذك أبيض أحمر حلو قوى زيه

عویس (بفرح مفرط وتهيج وتحسيس على الركب وهي ترفع يده)
وايه كان !

زینب وشفايفك صغيرين وحمير وحلوين قوى زيه
عویس (بصوت صارخ من الزور من شدة الفرح) الله . الله .
وايه كان !

زینب وشنبك أصفر ومبروم وحلو ، حلو قوى زيه
عویس (بهدلة وتهتك) كان والني . وايه كان
زینب (تطبطب على صدره) وصدرك مررب . ودفيان . وحلو
قوى زيه

عویس (بهدوء ومد صوت) الله . الله (ينهض نصف نهضة)
وليه بقا ماقابلتنيش بالخضن زي ما كنت حتقابليه —
زینب یاسلام یاسعادة البیه — !! (تبتعد عنه قليلا)

عویس طيب وكان دى فيها ايه ! مش تبلى شوقك . بقى يغيب
غنك سبع سنين وست اشهر وست ايام ولا تطفيش نارك
زینب لا یاسیدی حرام —

عویس بلاش ، ماتبلیش شوقك خلینی انا ابل شوقی (بهم بتقبيلها)
زینب (تميل عنه وتمنعه) یوه یوه

(٣١)

عوليس بس بوسه ! (يضع يده على جسمها)

زينب (تزيجها) بس حوش ايدك

عوليس طيب بس بوسه

زينب يوه . اوع ايدك بقول لك

عوليس (لنفسه حائراً وينهض) ايه العمل بقى يا اخوانا والمحل

قاضى والوقت حيفوت

زينب ياسلام منك يا بيه . أنا والنبي قاي حباك . ابقى ياسيدى

تعالى لنا دايم . والا ماتساقرش . والا خدنى وياك البلد

عوليس والله انا بدى كده ولكن خايف تبقى تقولى لى حرام وحلال

زينب ياسلام ياسعادة العمدة . وليه ماتخذنيش بالحلال

عوليس وبس اعمل ازاي وانت على دمة راجل بتقولى . هي

المرة بتجوز اثنين

زينب لا ياسعادة البيه . بقى انت قارى وعارف العلم . وبيقولم ان اللى

يعيب جوزها عنها سبع سنين والا اكبر يحل لها الجواز .

وانا بقالى سبع سنين وست اشهر وست ايام ويحل لى اجوزك

ريس يا الله نجيب المأذون

ناب مايرضاش

ما یرضاش . فشر وهو یقدر . یخالف امری . دنا عهده و بیه
واللی ما یعرفنی یستاهل ضرب الصرم علی راسه
لالا لا یابیه ده ابویا حفیت رجلیه علی بیت القاضی
یترجی القاضی یطلقنی و یدینی ورقتی لاجل ما یجوزنی
راحد امیر ابن حلال زی حضرتک أجیب منه مولود
یوحدا لله

فی محله : الآب واجب علیه برضه

کل ما یکلم القاضی فی الحکایة یقول له القاضی هات
الشهود الی شافوا الراجل وهو مسافر علشان یعمل
حساب الغیبة و منین نجیب شهود . ما حدش شافه لمافاتی
طیب وایه العمل ؟ ما نجیب شهود زور یشهدوا بکده . انا
عندی منهم ثلاثین و الا اربعین دایماً بودیهم للمرکز فی کل
قضیه طاوز اودی اصحابها فی داهیه

دائی عیطول . انت مش بدک تجوزنی قبل ما تروح البلد نجیبهم
ایوه و بدی استحمی قوام

تعالی نروح دی الوقت لبیت القاضی . اعمل انت جوزی
و اهو وشک زی وش جوزی تمام . حاکم جوزی کان اصله

ضوى عند سيدنا القاضى . (هُنا يلوح أبو حنن وأحمد
 وإذير يان زينب مع الرجل يقفان تحت الستار بالباب ليستمعا)
 عويس ونعمل ايه عنده ؟

زينب أنا حمسك فى خناقك قصاده ، وأقول أهو جوزى جه
 م السفر ولا لوش أمان . خليه يطلقنى يامسدى القاضى ده
 سابنى سبع سنين وست اشهر وأنا طاوره أطلق منه
 ولما يسألك القاضى قل له أيوه وطلقنى قصاده

عويس أطلقك ! احنا بدنا نطلق والانحور

زينب لا ، بدنا منحور

عويس طيب وليه يعنى أطلق قبل ما أدخل عليك .

زينب علشان أنا ما أدخل عليك

عويس فهمت ! فهمت ! وبعدين ؟

زينب وبعد ما تطلقنى يقوم القاضى يدينى ورقة الطلاق فى ايدى

عويس وبعد ما يديك ورقة الطلاق فى ايدك

زينب آه يا جده .. يبقى ساعتها المأذون يكتب كتائى عليك

عويس (بفرح) ما نخش على بعض بقا دى الوقت وبعدين نكتب

الكتاب على مهلنا ؟

زَيْنَبُ بْنُ اِسْمَعِيلَ : يَا اِمْسِكِ فِي خِنَاقِكَ مَا تَخَافُشِ . شَدَّ حَيْلَكَ
وَوَرَيْنِي شَطَارَتَكَ .

عَوِيسُ بْنُ اَوْعَى تَخْضِيئِي قُوَى لِحْسَنِ عَقْلِي يَشْتِ وَلَا اُطْلَقُشِ .
هَاتِي بُوْسَةَ هَاتِي

زَيْنَبُ بْنُ (تَجْرِي مِنْهُ) بَكَرَهُ تَشْبَعُ بُوْسُ . اسْتَنَّا لَمَّا اَلْبَسَ وَأَجْبَلَكَ
(تَجْرِي نَحْوَ بَابِ بَيْتِهَا . وَإِذَا بَهَاتَرَى زَوْجَهَا عِنْدَ بَابِ الدَّخُولِ
فَتَذْهَبُ اِلَيْهِ — وَيَنْحَدِرُ أَبُو عَوِيسَ إِلَى وَسْطِ الْمَسْرَحِ
فِي حَالَةِ هِيَاجٍ نَفْسَانِي — وَيَرَى أَبُو حَسَنِ تَحْتَ السِّتَارِ لَا بَسًا
عِمَّةً كَبِيرَةً وَشَالَ كَشْمِيرَ وَمَرْكُوبَ احْمَرٍ وَاحِدٌ فِي مَلَابِسِ
الْحِجَابِ وَمَعَهُ رِزْمَةٌ وَرَقٌ . وَزَيْنَبُ تَشْتَغَلُ بِالسَّلَامِ عَلَى
أَخِيهَا . ثُمَّ تَأْخُذُ بِأَيْدِيهِمَا وَتَذْهَبُ دَاخِلَةً فِي السَّرْدَابِ)

عَوِيسُ آه يَا نَارِي ! الْبَتَّ خَدْتُ لِي عَقْلِي . حَسَدُوبُ يَا اخَوَاتِي .
وَاللَّهِ بَنَاتُ مِصْرَ مَا فَيْشَ أَحْلَى مِنْهُنَّ . لَهَا حَسْرَتِي الْكَبِيرُ وَأَنْ
مِصْرَ صَحِيحُ أُمِّ الدُّنْيَا . يَارَيْتُ الْوَاحِدَ مَا كَانَ قَضَى الْعَمْرَ إِلَى
فَإِنَّ دَهْ كُلَّهُ بَيْنَ نِسْوَانِنَا الْخَلَالِيفِ ! آه يَا نَارِي لَوْ كُنْتُ
أُمْسِكُهَا (يَلْتَفَتُ) لَوْ كُنْتُ دَى الْوَقْتِ فِي الدَّوَارِ وَالْأَفْغِيطِ .
آه يَا نَارِي ! مَا عَلَشَ . الصَّبْرُ طَيِّبٌ . وَلَا هِيَاشُ رَاضِيَةٌ

تدني بوسة واحدة ابل بها شوقي
 (وعندما ينتهي أبو عويس من كلامه تجرى اليه زينب تمسكه
 من رقبتة ويختفي الحامي واحمد فيلتفت اليها ويقبض عليها
 وتقول له)

زينب حاسب . حاسب .

عويس انت لسه مالبستيش الملس والا ايه ؟
 زينب دنا ظليت من الشباك شفنا سيدنا القاضي جاي هو والحاجب
 بتاعه . جيت أجرى لك علشان أقولك

عويس ياسلام هو القاضي يتنازل ويجي هنا
 زينب لا . دا يوم يجي يستحمي ويوم لا . انت ماسمعتيش بقول
 للواد النشاشي يحضر خلوة القاضي

عويس طيب ونعمل ايه دي الوقت
 زينب بس استمتل . خليك تحش على قوام وتفتحي ونتمتع
 ونروح البلد بالمزازيك والنقارية وتعمل فرح يبقى
 شنه ورنه . . .

عويس والله لأعمل حته فرح (يستمتل) بالله امسكي في خناق قبل
 ماييجي . بس اديني بوسة قوام

(زينب تشير لأخوها وزوجها بالتقدم بيدها ورأسها)
 زينب يادهوتي . الراجل بده يفوتني تاني . الراجل بده يغيب عني
 كمان عشر سنين . والله ما افوتك أبداً إلا قصاص القاضي
 واللقني قوامك . طلقني قبل ماتفوتني . ياسيدنا القاضي !
 ياسيدنا القاضي !

(يدخل الحمى وراءه احمد)

(والحمى رجل عامى ولما كان يريد ان يقلد القضاة يكون
 كلامه بلدى مع شىء من تقليد كلام الفقهاء والنحوثة العجبية)
 الحمى ماهذا دى الصراخ . فاسق فى الحمام الطاهر ؟ أعوذ بالله من
 الفسق وانفاسقون . يا ضوى خذ هذا دى الراجل فى
 الحال إلى الحبس

عويس يادى المصيبة ! قبل ما طلق واجور خخش الحبس
 الحمى خذه يا ضوى فى هذا دى الوقت
 عويس اسطبر شوية ياسيدنا القاضي . انا مش ماسكها ولا .
 الحمى امال هذا دى الشىء ماذا ؟ ماهذه القبعات القبيحاء
 عويس ماتكم ياميتى . انا مقدرش على ده كله . والابعدين أفشى
 الحمى اخرس يا قليل الحياء . ماذا تريد تفشو . أبداً تتكلم عن

عرض بنات الناس الأخرار . هذا جزاء الجلد ألف جلدة
عويس يا خراي يا خواتي . أنا قلت إيه . أنا ياسيدنا القاضى مش
راجل فلا تي

الحامى امال ماشئونك فى ههنا دى الوقت . ليس ، أم سارق .
أم قاطع طريق . يا ضوى خذه للحبس بقول لك .

عويس دنا عمدة ياسيدنا القاضى جاى استجنى .

الحامى امال هذا الراس ليه ليس مبلولون

عويس ودا غلب إيه يا اخوانا . دنا لسه ما استجعتش . عيبيني
يا وليه بس لما اخذ نفسى

زينب ماشيكتش أبدا .

عويس طيب سلمت أمرى لله . اكلى امال اما هونى

الحامى لماذا دى الراجل كان يحاضر هنا . يا بنت يا طاهرة .

عويس ياسيدى أنا . . .

الحامى اسكت يا فاسق

زينب سديت ياسيدى فاسق تمام وغانم ولا ينافس ربه

عويس (زينب) مش عيب تقولى على كده

الحامى المره فى هذا دى الشئ ، فادقه الله هي اللي تشمر

ويمكن هي لائحس ولا تغفر . ويلزم كاني أن العاقل
يصدقها لأنها في مذهب القضاء رضى الله تعالى عنه
ورسوله يسأل عنها يوم القيامة نفسها وبدنها . أما الراجل
فالمستول عنه رجلاه وقدماه وعيناه وقيداه .

عويس . قولى انت كلمة وخلصينا . دى كانت جواز ههبة .
زينب . ياسيدنا القاضى سدت فينا قلت . أهو ده جوزى اللو
سابنى وهجرنى ، ولا سأل عنى .

الحامى (ينظر فيه بتمعن) هو هو بعينه . لولا أنه متغير حبتين
ولكن هذا من طول الغيبة وسواد أعماله الراجل الى
يهرب من مراته ويغيب عنها سنين وإيام يكون راجل
وشه عسكر . كنت فىن ياراجل

عويس . كنت فى فى فى (زينب) فىن ؟

زينب (لعويس سرا) بيع القطن

عويس . بيع القطن ياسيدنا القاضى .

الحامى كذبت يافاسق ياقليل المسترودة ياقليل الحيا .

عويس والله كنت بيع القطن حتى الفلوس قبضتهم امبارح
من البنك وهم معاينة

الحامى ومعاك قد فيه
 عويس خمسميت جنيه وخمسين وكان أربعين كانوا معاه من
 حال الاصل وستاشر جنيه بتوع المرة .
 الحامى وبقالك كام سنة غايب عن مراتك ؟
 عويس (زينب مرا) كام ؟ وتميل عليه زينب وتحرك شفقتها
 كأنها تلقنه فيكمل كلامه) سبع سنين
 زينب كداب ياسيدنا القاضى . دول سبع سنين وست أشهر
 وست ايام .

عويس وست أشهر وست ايام ايه يعنى ؟
 الحامى وماذا تريدن منها هذا دى الوقت
 عويس أريد ايه . أريد جوازها .
 زينب (لعويس) طلاقها . طلاقها ! ماتخسرش الدنيا .
 عويس طيب . طيب . أريد طلاقها ياسيدنا القاضى
 الحامى ارجع ياراجل عن عزمك . (عويس يشاير بأصبعه
 رافضا) خليك مع مراتك (يشاير عويس رفضا) الاتفاق
 احسن لك
 زينب قول أبدا طاوز اطلقها

(۱۶)

عویس اسمی ! اسمی ! (زینب) اسمی ایہ ؟

زینب : علی ابو حجازیہ

الحامی : انت قوامک نسیت اسمک ؟ داہمن غضب اللہ علیک امین

نسی اسمہ نسی دینہ

عویس : لایامولانا القاضی . دی بس ہیبتہ المحکمہ نستنی : انا اسمی

علی ابو حجازیہ

الحامی : و ابوک

عویس : و ابویہ ! و ابویہ ! (زینب) ابویہ اسمہ ایہ ؟ انطقی

زینب : (لہ) محمد ابو حجازیہ من دہشور

عویس : محمد ابو حجازیہ من دہشور

الحامی : محمد . و أمک

عویس : أمی ! أمی کان مالها أمی ماتت من زمان (زینب) الحقی

اسمها ایہ ؟

الحامی : اخاص قوام . یعمل . . .

عویس : أمی اسمها ایہ ؟

زینب : (تھیل علیہ) خدوچہ بنت سید احمد !

عویس : خدوچہ بنت سید احمد . ودا ہنار ایہ دہہ الجیب . دی

ما كانتش جوازہ

الحمامی بخدوجة بنت سيد احمد . وانت يا حرمة ما اسم الكريمة
زینب محسوربتك زینب !

عویس الحمد لله اللى فات دورى

الحمامی بنت مین ومین

زینب بنت المعلم ابو حسن الحمامی من بولاق وحميدة بنت سخا
الطحاویة

الحمامی (یسکت قليلا وهو یکتب ثم ینطق) حکمت المحکمة

المتخذة دار حمام ابو حسن ببولاق محلا مختارا لها

بطلاق الست زینب بنت ابو حسن الحمامی ببولاق

وحميدة بنت سخا الطحاویة من علی ابو حجازية ابن محمد

ابو حجازية من دهشور ابن المرحومة خدوجة بنت

سید احمد . وهذا ختمنا بذلك

عویس أف ! الحمد لله اللى انتهينا . دنا كائنی كنت تحت كوم شباخ

بس بقى . امتی تقابل بعضنا لاجل اللى بالك فيه ؟

الحمامی استحي يا راجل . اخرج من هذا دى المكان . يافاسق يا قتليل

الجيا خرجه يا ضوى

زينب (تمسك في عويس) يروح فين ياسيدنا القاضي في
 الحامي ماذا انت عاوزه منه ؟
 زينب النفقة ! !

عويس (يضرب على صدره) نفقة ايه ؟
 زينب (تغمزه في ذراعه مرات) نفقة عدتي ! ثلاث اشهر واكل
 منين ياسيدنا القاضي

الحامي ماقولك ياراجل في النفقة ؟
 عويس انا مقدر شى على النفقة . انا راجل مسكين . وصاحب عيال
 ولا معايش والله وقعت في الفخ يا اولاد

الحامي تدفع كام عدة مطلقتك زينب بنت المعلم ابو حسن الحامي
 بنت حميدة بنت سخا الطحاوية ؟

عويس ريال ياسيدى القاضي في الشهر معلهمش
 زينب (تضحك) ريال ايه يا ابو ريالة ! انت انجنت ياراجل
 دانت عمدة وجايب خمسميت جنيه وخمسين واوبعين من
 ثمن القطن اللي بيعته امبارخ

الحامي وستاشر جنيه بتوع المسره كان !
 زينب آه هو خلى لي عقل أفشكر به

عريس (لزينب) طيب وانت مالك ومال ككده ؟ ماهو كله
علشانك وعلشان الفرح لما نهبوز

زينب وانا شفت حاجه قبله ، لما حشوف بعدين ، ارمى بياضك
قبله والا حد الله بيني وبينك

عريس جرى ليه ياسبت يازينب ؟ انت مش قلت ...

زينب قلت ايه ياراجل ... احكم لي ياسيدنا القاضي واللى تشوفه
انت ، ما فيش أحسن منه

الحامى حكمت المحكمة على على ابو حجازية ابن محمد أبو حجازية من
ده دور وخدوجة بنت سيد احمد انه يدفع لمطلقة زينب
بنت أبو حسن الحامى بيولاقي بنت حميدة بنت سخا الطحجاية
مبلغ وقدره ثلاثون جنيه مجيدين نفقة لما عن ثلاثة أشهر
عدتها ويكون الدفع فوري يعنى في الحال

عريس (يظل يجناق في وجه الحامى مدة ثم يحط يده في جيبه
ويهمس لزينب وهي متفجعة عنه ويطلع الكيس) امرى لله
امرى لله الحق على اخدي ياسق نفقة عدتلك ، دول الاربعين
الى جيبهم من البلاد جاخذ منهم عشرة

زينب (تعد النقود) واحد ، اثنين

الحمامى فى مرك

زينب حاضرت لثلاثه . اربعه ...

الحمامى ميعاد الحمام حيفوت ..

زينب ثلاثين

الحمامى تمام؟

زينب تمام ياسيدى

عويس كفانى بقا . اجى ايمتى بقا علشان

الحمامى اخرج ياراجل ، يافاسق ياقليل المروة . تترك مراتك للشيطان .

الرجم . خرجه يا ضوى .

زينب (تمسك فى عويس) يروح فىن ياسيدى

عويس ليه عاوزه منى ايه ؟ انا خلاص ما بديش أجوز

زينب (بصوت خافت) اخص عليك ابقى علشان مانسبك الحكاية .

تتنخض قوام .

عويس طيب قولى عاوزه ايه . والله قايى ما هو مصدق . قولى بقا

أقابلك فىن ؟

الحمامى (وكان مشغولا بالكتابة) تقندب ياراجل ياقليل الحيا .

مادعوتك يا حرمه يا زينب يا بنت الأمير أبو حسن .

زينب بقية مهري .. المتأخر ياسيدي القاضي !
عويس يا خرابي ! يادهوتي ! يامسلمين ! يا خسارة تعبي في القطن
السنة دي كلها

زينب خمسين جنيه مجيدي بالتام ! أصل مهري ميه وخمسين و انت
ياسيدنا القاضي ! اللي كتبت كتابي على الراجل ده أيام ما كان
ضوى عندك

الحمامي متذكر بالظبط . حكمت المحكمة على أبو حجازية ابن
محمد أبو حجازية من دهشور وخدوجه بنت سيد احمد أنه
يدفع مبلغ وقدره خمسين جنيه مجيدي مؤخر صداق مطلقة
الست زينب بنت أبو حسن الحمامي ببولاقي . وهذا ليدها
أماننا وفوري وقوام

عويس يا خرابي ! يا خرابي ! يا خسارة تعبي في القطن السنة دي
معلش ! استاهل ! آدى الخمسين جنيه بربطهم من ايد
انلواجة . استاهل ضرب الصرم الى آجي مصر

الحمامي أخرج بقا ياراجل يا قليل الحيا ، يا قليل المروة . خرج
ياضوى . خرج

زينب (تسبك فيه) يروح فين ياسيدي القاضي ؟ انت ما سمعتوش

يقول ان بقا له سبع سنين وست أشهر وست ايام ماصرفشى
على ولا ميدى .

الحامى هذا صحيح
زينب فين تفقتى فى المدة دى كلها
الحامى صحيح هذا حقك ولكن (باشارة استعطاف) سامحيه
فيهم يبقى لك عند الله

عويس الله يطول عمرك ياسيدنا القاضى . ولا يوريش ضيم
ويضلنا بضللك

زينب ياسيدى القاضى ازاي اسيب حقوقى ! دنا بعث صيغتى
وهدومى وصيغته امى وهدومها وهدوم أبويه كمان .
وأبويه وحياتك باع على القوط والبشاكير بتوع الحمام
الحامى دا شىء أعرفه تمام . الله يجازيك ياشيخ .

زينب لا كان راجل بيعصرف على ولا احنا ناس مانحفش ربنا .
الحامى سددت ياحرمة ، فتح الله عليك وعلى والديك .
عويس ياسيدنا القاضى مافيش منك رحمة !

الحامى ليس فى الشرع محايية . امال كنت ليه مابترحمهاش فى
غيبتك عنها وهى محصنة نفسها وروحها فيك ؟ حكمت

الحكمة على علي أبو حجازية بن . . .

عويس (يقاطعه) بلاش الباقي و حياة راسك . ماتحبهكهاش
الحامى تقذب . هكذا الأصول - (يتم الصيغة) ابن محمد أبو
حجازية و خدوجة بنت سيد احمد أنه يدفع لمطلقة الست
زينب - طيب ما عليهش الباقي - نفقة شرعية قدرها
٣٠ جنية مجيدى عن كل سنة من سنين غيبه فيكون
الجملة ٣٠ جنية على سبع سنين تبقى ٢١٠ وست اشهر ب ١٥
جنيه يصير ٢٢٥ وستة أيام بنصف جنيه فيكون المبلغ
٢٢٥ جنيه و نصف بالتام ويكون الدفع فوري و في الحال
و أمام عيوننا

عويس آه يا خواتى ايا خراب بيتك يا عويس ! يا جوعة العيال السنة
دى ايا رقتك من العمدية بعد ناظر القسم ما يعرف
انك فلست ! والله يا ناس ماشفتها قبل دى الوقت . والله
يا ناس دى لعبة و اتلعبت على و بس قلت لك كده يا سيدنا
القاضى علشان هي غرضها . . .

الحامى يار اجل يا قليل الحيا اوع تكون بلغت الحكمة شئ
كذب بعد ما حكمت لحسن هذا دى الفعل ترمى به فى

المغطس وهو سخن بيغلي وليس لك بعدين أجر عند الله
قول اذا شئت . واستبعد يا ضوى

عويس لا . قلت سدى ياسيدى ، عوضى على الله

الحامى ادفع فى الحال

عويس حاضر . آدى ميتين جنيه بربطة واحدة لوخرين . وادى

عشرين كان وآدى خمسة وسامحنى فى النص لاجسن ما عندك
فكك وحياتك

زينب أبداً . هات جنيه وسامحنى انت فى النص . دا حق . تا كل
حقوق الولايا !

عويس الله يسامحك يا بعيدة . آدى الجنيه . بس بقا . مانايش عاوز
اتجوز .

زينب ومين عاوز يرجع لك

الحامى اخرج ياراجل يا قليل الحيا يا قليل المروة

عويس أنا قليل المروة . طيب ياسيدى . آدينى مروح . انشا الله

ما كان حد استحمى . دا صبيح يا اخوانا دخول الحمام متق

زى خروجه (بهم بالخروج)

زينب يروح فين ياسيدنا القاضى !

الجماعى إيه كان ياست زينب ؟
 زينب واللى فى بطنى !
 عويس بطنك ! وجع فى بطنك !
 زينب أيوه ياسيدى . فى بطنى بقى له سبع سنين وست أشهر
 وست أيام
 عويس ودا كلام حد يصدقه إلا المجانين . حق ياسيدنا القاضى
 الجماعى كلام الزوجة مصدق . هى أعرف بحالها . هكذا الشرع
 وبه تحكم معقول أو غير معقول
 عويس طيب وأيش عاوزه منى بقا
 الجماعى مادعواك يا حرمة
 عويس ماخذت نفقتها ياسيدى عن المدة اللى فانت والعدة
 زينب يمكن ما اولدش إلا بعد عشرين سنة !
 عويس ياسنة سوده !
 الجماعى انت عمرك كم سنة يا حرمة ؟
 زينب السنة دى ثلاثين إلا شوية
 الجماعى بقى يمكن ما تولدش إلا بعد ٢٥ سنة حتى يعنى هند ما تبلغى
 سن اليأس

عويس آه .. يادى الداهية الكبيرة (يقطع فى شعره) يادى البلاوى
التقىله (يلطم)

زينب طيب شوف انت بقا . رأيك أحسن من كل شىء انت قاضى
وعادل واحنا ناس ولايه . ادينى زى ماتحسب
عويس (يعيط) آه يافلوسى . يادى النهار اللى زى الطين
والهباب .

الحامى تقذب ياراجل . حكمت المحكمة على أبوحجازية ابن ...
عويس (بالحاح) ماعليهش دى النسبه المزفته ، بس قول لى كام ؟
الحامى تقذب ياراجل ياقليل الحيا ياقليل المروة انت عاوز تخلى
بنات الأمرا يفضلوا حبلين عشرين سنة والاحمسة وعشرين
مايجوزوش علشان خاطر الولد الملعون ابن الملعون اللى فى
بطنهم (يكمل) على على أبو حجازية من دهشور . أقول لك
— ماعليهش الباقي — إنه يدفع لمطلقة حتى تستوفى عدة
نفقة عشر سنوات

عويس آه . ياخراي ! ياخراي بيتى
الحامى بواقع السنة ٣٠ جنيه مجيدى ويكون الدفع فورى وأمام
عيونا أى قوامك . والعشر سنوات يحسبوا ابتداء من ..

هذا اليوم الثالث من رجب سنة ١٢٨٢ هجرية — على صاحبها أفضل السلام وأفضل التحية — لغاية اثنين رجب سنة ١٢٩٢ هجرية يكون جملة المستحق دفعه مبلغ وقدره ٣٠٠ جنيه ينخصم منها الثلاثين جنيه اللى حكم بها نفقة العدة الأولى فيكون المستحق مبلغ وقدره ٢٧٠ جنيهه مجيدى بالتام

عويس آه . أم . لحسن بعدين انسلق فى المغطس . عوضى على الله (يعيط) الله يقطعك يا عويلى . الله يخيب أملك . تجيبنى فى الحمام المشوم ده ؟ أم . ميه ودى ميه . ودى ميه . هاتى الثلاثين الاولين

زينب (تمسك فى الفلوس) والباقي ياسيدى القاضى . يمكن ما اوضعش إلا بعد خمستاشر سنة كان !

الحمامى أقول لك خدى الثلاثين كان . ومع ذلك عندك علوانه ونقبة ونقب أمه . فاذا فاتت العشر سنين ولم توضعى ابقي قدمى فيه علم بلطب

عويس والله ما بنها مراتى ولا أنا أعرفها ! واللهى .

الحامى قصيدك ترجع فى كلامك وتبلغ الحكمة كلام كذب بعد
ما حكمت

عويس لا وحياتك ياسيدنا القاضى دى بس من خلاوة الروح (هنا
يدخل عويلى آتيا من الحمام وهو متفوط وعلى رأسه بشكير
وفى رجله قبقاب)

عويلى أى والله والنبي ياولاد . دخول الحمام مش زى خروجه !
عويس أى والله

عويلى خش بقى يا عمى أبو عويس بيه ادخل شوف مزاجك
واتنعم .

عويس (بحرقه) اسكت مانيش عمك ابو عويس بيه

عويلى عجب . أمال انت مين ! يا أبو التنا الأبيض

عويس أنا على ابو حجازية ابن محمد ابو حجازية من دهشور وامى
خدوجه بنت سيد احمد . ودى الست زينب مطلقى بنت

الأمير ابو حسن الحامى ببولاق

عويلى مين بيقول كده . دانت جناب معاودة عمدة كفر العجورة

ابو عويس بيه . على من ورمح .

عويس اسكت . دا كان زمان يا بنى . راحت الغلوس . وراح ثمن

القطن : وراح عمك أبو عويس بيه همدة كفر العجورة
 اوعى تتنفس لحسن بعدين تروح روحك والا يرموك
 في المغطس وهو سخن بيغلى . انت معك حاجة !

الحامى (كأنه كان مشغول بكتابة ورقة الطلاق) خذى يا حرمة
 هذه ورقة طلاقك

زينب ربنا يطول فى عمر سيدى القاضى
 عويلى آمين .

عويس آمين . آمين ! .

الحامى اخرج ياراجل يافاسق ياقليل الحيا ياقليل المروة
 عويس حاضر . قال بقول ماحدث من ولاد مصر ضحك على .

ضحكت على مرة . أدينى رايح . ياالله ياواديا عويلى

زينب يروح فين ياسيدى القاضى ونفقة العيّل لما يتولد . وأجرة
 الست الداية . وثمن الخلخال ووهبة الحجاب اللى حنعمله
 للعولود ان شا الله ربنا يعوض عليك .

عويس أم ياختى أم . (يقلع العمة والمركوب والجنية ويبرمهم
 واحدة ورا الثانية فى وجههم . وهو يقول فى خروجه)
 الله يخرّب بيتك وبيت سيدك القاضى وبيتليك بالأوجاع

ويطلع على عينك البلاء . (هنا يدخل النشاشقي فيلاق
فردة مركوب في وجهه)

نشاشقي ديهده - عين البقشيش ياسعادة العمدة - دامش حرام
عليك !

(الكل يضحكون . يخرج أبو عويس وعويلى جريا من
باب الدخول وينزل الحمamy الى زينب ويأتى أخوها اليها
وزينب تأخذ في الغناء على وزن رطل ونصف)

زينب أديها فرجت يامعلم يا أبو حسون
اوعى بقا تجى مبلم وتسب الكون
شوف دول بعينك يانشاشقي يا ابن العرة
أدينا صرنا يانشاشقي زى الامرا
نشاشقي دا كله من وشك الازهر ياست النساء
دا سيدنا كان وشه أغبر زى النسناس
الحمamy يا ابن القحيبة دى العمة وشال الكشمير
هم اللي زاحوا دى الغمة ماتعشب كثير

الجميع الله يخلى لنا البسطا أهل الكرمات
 رزق الغلابة على العبطا في دي الأوقات

يسدل الستار

(بيان) كان الاستاذ الكبير عزيز افندى عيد في دور أبو
 عويس ومحمد أفندى صادق في دور الحمamy ومحمود افندى رضا
 في دور النشاشقي وحسن افندى فايق في دور عويلي والآنسة
 روزاليوسف في دور زينب .

كلمة

تفضل صديقنا الناقد المتميز الكبير الاستاذ ذكي طليمات بكلمة كريمة شاء أن تنشر بمناسبة طبع رواية الحمام ونحن نشبتها هنا مع الشكر والامتنان قال حفظه الله :

يعز على أن يكون نصيب هذه القطعة المسرحية منى بضع كلمات أسطرها على عجل وأن لأجد متسعا من الوقت لأدق في حياكة نقد حازم عنها

هاهي رواية (رمزي) بين يدي القراء مجلوة الصفحة وضاحة النزعة تفوح منها عبقة من الفن الصادق وكأني بصديقي الاديب وهو يرفع روايته هذه الى جمهورنا يرمق الأفق البعيد بنظره المطمئن الواثق لانشاء مسرح محلي حديث وكأني به وقد صاغ قطعته في العامية الدارجة خالعا عربيته المجيدة يصيح بنا في تواضع أنا رجل المسرح سيد الطريقتين وأمير الاسلوين .

ومن تذوق أسلوب رمزي في (عزته) و (بدويته) و (جاكبه) وغيرها من رواياته التاريخية المتعة فقد عرف الرجل ذا القلم المجيد الذي يجري بحذق فوق الصحيفة البيضاء فتسمع

وراء صريره دنين أجراس الذهب

من يقرأ (عزة) ولا تأخذ نشوة الموسيقى في أوجها السامي
ومن يقرأ رواية اليوم ولا يصيح ان (رمزى) مؤلف مبدق يضم
الى طبله البدوى العزاف ارغولا مهريا يوقع أنفس « المواويل الحمر »
ويردد صدى قهقهة « الصهبات » البلدية وان لرمزى لنظرة الفطن
الساخر التى تتناول كل شىء يقع تحت بريقها .

(دخول الحمام) تعد بحق شعبة من أشعة الفجر الأول
لوضع الرواية المصرية المضحكة (الكوميديا المصرية) وكما بدأ
رمزى (الجهود الأول فى وضع الرواية العربية التاريخية برواية
(الحاكم بأمر الله) فهو فى مقدمة ذلك النفر العزيز الذى حاول
ويحاول وضع الرواية المصرية الاخلاقية

وكتابة (رمزى) لهذه القطعة باللغة العامية - وهو الكاتب
والشاعر المجيد - تفسر لنا مبدأه الذى طالما جاهر به فى حلقات
الادب والفن وهو (وجوب كتابة الرواية المصرية المضحكة
بالعامية الدارجة) وهذا مبدأ أقره صديقى المسرحى الكبير محمد
تيمونربك فى روايته (العصفور فى القفص) و (عبدالستار افندى)
وزاد عليه (وكتابة الدراما المصرية الحديثة أيضاً بهذا اللسان)
كما رأينا فى روايته (الهاوية)

(دخول الحمام) مشهد مصرى صميم شدمافلح مصوره فى مسحه بالصبغة المصرية الفاقعة التى تأخذ الناظر أينا شرح بصره فيه والذى يبهرنى فى هذا المشهد موضوعه ، نفسه الساخر . لقد أضاف (رمزى) بروايته هذه مجدداً جديداً إلى حرية التفكير فى مصر . طرقي (رمزى) باباً موصداً فى الشرع الاسلامى ظالماً فزع الناس من الاقتراب منه و ظالماً كان قيامه سبب محن وتذمر وسخرية صامته . الحمل المستكن . أظن هذا اسماً لا يذكره مفكر الا وتعلو وجهه بسمة متهمكة يحاول ان يضم عليها حنا فى ثغره حتى لا تنفجر قهقهة مستهترة صاخبة . (عدم طلاق الغائب) — الا ترى هذا عجيباً أيضاً ياسيدى القارىء ؟ — هاتان النقطةتان الواهنتان اللتان قد أصبح احتمالهما عسيراً وتنفيذهما مرأ مع حياتنا الفكرية الحديثة قد تناولهما بنظرة نافذة (رمزى) المفكر الحر وحاك عليهما مهزلة ساخرة رشيقة كان لها وقع كبير فى التأثير على مشروع اليوم . ولم يكن عجيباً بعد الضجة التى أحدثتها هذه الرواية بين رجال القضاء واصحاب المذاهب أن رأينا التشريع المصرى يتناول هاتين النقطتين بالتعديل الجديد الذى ننعم به اليوم والذى يمدق فيه العقل بنظرة هادئة

أما النجاح الذى حظيت به هذه القطعة فكان باهراً لم يحظ مؤلفها بمثل له فى سابق قطعه المسرحية اللهم إلا «البدوية» ولعل هذه الرواية هى احدى الروايات القليلة التى جابت بها فرقة أبيض النحاء الوجه البحرى فى ليالى الصليب الأحمر ومثلتها بنجاح مستمر أمام جماهير تباينت عقليتهم وأذواقهم تباينا كبيراً . وقد علا كعب الممثل (عزيز افندى عيد) بأخراج هذه الرواية وازدادت الممثلة «روز اليوسف» إلى مجدها المسرحى ضفيرة جديدة زاهرة بادائها دور زوجة الحامى وأثبتت ان مواهبها الفنية لا تقف عند ابراز الأدوار فى الرواية الغربية الموضوع وأنى أختتم هذه العجالة بجملة كان دائماً يقولها صديقى الراحل (تينور) اذا ماجرى على ألسنتنا ذكر روايات (رمزى) ومجوده الكبير المتواصل فى تقرير مسرح محلى لهذه البلاد: «لقد وضع رمزى رواية دخول الحمام وكفى» .

زكى طليمات

٢٤ / ١١ / ٩٠

6

Bibliotheca Alexandrina



0426709